

Набий соллаллоҳу алайҳи васалламнинг молу мулклари умматларигадир



11:00 / 23.03.2020 2661

???? ?????? ???? ?????????????? ??????? ??????? ???????

?????: ??? ?????? ?????????? ?????? ??? ?????? ?????? ??????

???????? ?????????????? ?????????????? ?????? ?????????????? ??????

????????? ?????? ?????????? ?????? ?????????? ??????????

????????????????? ?????????????????? ?????????????????? ??????????????

????????????????? ??????????????. ?????????? ??????????????????

?????????????????????..

Амр ибн Ҳорис розияллоҳу анҳудан ривоят қилинади:

«Росуллоҳ соллаллоҳу алайҳи васаллам вафот этган вақтларида дирҳам ҳам, динар ҳам, қул ҳам, чўри ҳам, қўй ҳам қолдирмадилар. Фақатгина оқ хачирлари, силоҳлари ва садақа қилган ерлари қолди».

Учовлари ва Насай ривоят қилганлар.

Демак, Пайғамбаримиз соллаллоҳу алайҳи васалламдан кейин қолган нарса бор-йўғи урушда ишлатиладиган силоҳ ва битта урғочи оқ хачир бўлган. Фатҳ қилинган ерлардан кўп қатори теккан улушларини садақа – вақф қилиб қўйган эдилар. Мория Қибтия онамиз Иброҳим розияллоҳу анҳуни туққанлари учун чўри эмас, Умму Валад бўлганлар. У киши Пайғамбаримиз соллаллоҳу алайҳи васалламнинг вафотлари билан ўз-ўзидан ҳур бўлиб қолганлар.

Пайғамбаримиз соллаллоҳу алайҳи васаллам садақа қилган ерлар Фадак ерининг ярми, Қуро водийсининг учдан бири, Хайбар, Бани Назирдан ўзларига теккан улуш ерлар эди.

«Ҳадис ва ҳаёт» китобидан